




ԱՄՍՎԵՐՋԻ ՀԱՆԴԻՍՈՒԹՅՈՒՆ ՀՈԳԵՎՈՐ ԾԵՄԱՐԱՆՈՒՄ

Սույն թվականի հունիսի 6-ին, երկուշաբթի օրը, առավոտյան ժամը 11-ին, Մայր Աթոռ Ս. Էջմիածնի հոգևոր ձեմարանի հանդիսությունների դալիճում, Վեհափառ Հայրապետի բարձր նախագահությամբ, տեղի ունեցավ ձեմարանի 1982—1983 ուսումնական տարվա ամավերջի հանդիսությունը:

Հանդիսությանը ներկա էին Մայր Աթոռի միաբանությունը, Գերագույն Հոգևոր Խորհրդի անդամները, հոգևոր ձեմարանի դասախոսական կազմը, վանքի պաշտոնությունը և այլ հրավիրյալներ:

Հանդիսությանը հրավիրվել էին ՀՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ Ռուբեն Պարսամյանը և տեղակալ Անդրանիկ Հաբաթյանը:

Հանդիսության նախագահության սեղանի շուրջ, Վեհափառ Հայրապետի կողքին, տեղ էին գրավել Տ. Սիոն, Տ. Հուսիկ և Տ. Ներսես սրբապանները:

Հանդեսը սկսվում է Վեհափառ Հայրապետի աղոթքով, որից հետո ներկաները հոտընկայս լսում են Հայաստանի պետական հիմնը: Ապա հոգևոր ձեմարանի երգչախումբը կատարում է ձեմարանի քայլերգը: Այնուհետև հոգևոր ձեմարանի տեսուչ Տ. Եվնիկ քին. Պետրոսյանը հանդես է գալիս բացման հետևյալ խոսքով:

«Մեկ-երկու ժամ հետո պատմության գիրկն է անցնելու Ս. Էջմիածնի հոգևոր ձե-

մարանի 1982—1983 ուսումնական տարին:

Խոսելով անցնող ուսումնական տարեշրջանի մասին՝ նախ և առաջ ցավով պիտի արձանագրենք հոգևոր ձեմարանի բավմանա դասախոս, վաստակավոր ուսուցիչ, «Էջմիածին» ամսագրի խմբագիր Արթուր Հատիսյանի մահը:

Ինչպես հայտնի է բոլորիս, հոգևոր ձեմարանի շենքը, կառուցված լինելով իբրև մատենադարանի շենք, չունեի ուսումնական հաստատության համար անհրաժեշտ հարմարություններ: Նկատի ունենալով այս հանգամանքը՝ անցյալ ուսումնական տարվա ընթացքում շինարարական աշխատանքներ սկսվեցին շենքի հյուսիս-արևմտյան հատվածում՝ մասնակիորեն բարելավելու համար ձեմարանի ուսումնական պայմանները: Եվ մենք հույս ունենք, որ մինչև 1983—1984 ուսումնական տարվա սկիզբը կավարտվեն սկսված աշխատանքները:

Հոգևոր ձեմարանի տեսչության և դասախոսական կազմի աշխատանքի բնույթը այնպիսին է, որ դժվար է մեկ-երկու տարվա ընթացքում նկատել կատարված աշխատանքի արդյունքները և ճիշտ գնահատական տալ մեր համատեղ գործունեությանը: Այնուամենայնիվ, ուրախությամբ պետք է նշել, որ արդեն այս ուսումնական տարվա ավարտին Վգալի առաջընթաց կա կրթական հողի վրա: Այս տարի արձանագրվեցին ուսման առաջադիմության բարձր միջիններ: Լուրջ աջ-

խատանքներ տարվեցին ուսանողների եկեղեցասիրության և հոգևոր-բարոյական կողմը ամրապնդելու համար:

Վեհափառ Տեր, ահա այս մի քանի խոսքերով թույլ տվեք 1982—1983 ուսումնական տարվա ամսվերջի հանդեսը հայտարարել բացված:

Տեսուչ տեր հոր բացման խոսքից հետո հոգևոր ճեմարանի սաները, ղեկավարությամբ ազգային և եվրոպական երաժշտության դասախոս Ս. Ղևոնդ քին. Հարությունյանի, կատարում են «Որք վարդարեցին» շարականը: Այնուհետև ճեմարանի Գ դասարանի սան Գևորգ Գյուլգյույանը արտասանում է Վահան Թեքեյանի «Հաշվեհարդար» բանաստեղծությունը: Բեթովենի «Լուսնի սոնատ» դաշնամուրային ստեղծագործությունը կատարում է ճեմարանի Գ դասարանի սան Հովակիմ Քիլեճյանը:

Այս ուսանողության անունից շնորհակալական հետևյալ խոսքով հանդես է գալիս Բ լսարանի ուսանող Հակոբ Մարտիրոսյանը.

«Հավաքվել ենք նորից սրբազան այս հաստատության կամարների տակ, որ հոգեվոր մշակների ձեռքով կոփվել ու կերտվել են բազում երիտասարդ հոգիներ: Մենք ձգտում ենք միշտ բարձր պահել այն սրբազան հաստատության պատիվը, որ հիմնեցին մեր նախահայրերը: Լուսավորչի իմաստափայլ կանթեղի շուրջ հավաքված աշակերտներս ուրախ ենք, նաև հպարտ, որ մեզ բախտ է վիճակվել դառնալու սաները հոգևոր ճեմարանի: Մեր հոգիները ծարավ են հոգևոր ջրի: Ճեմարանը այն աղբյուրն է, որտեղից մենք կարող ենք հագեցնել մեր ծարավը:

Այսօր ինձ հնարավորություն է տրված իմ և ուսանող եղբայրներիս անունից շնորհակալական ջերմ խոսքեր ասել Ձեզ, Վեհափառ Տեր, տեսչությանը, դասախոսական կազմին և միաբանությանը:

Հոգևոր ճեմարանը մեզ բոլորիս համար բացեց ճանապարհներ՝ ճանաչելու ճշմարտությունը, արդարությունը, բարին ու գեղեցիկը և ամենակարևորը՝ մեզ հաղորդակից դարձրեց Փրկչի կենսապարզ և պատգամներին, որոնք մեր կյանքի ամեն մեկ պահին լավագույն ուղեցույց են մեզ համար:

Հոգևոր ճեմարանում մեզ սովորեցնում են ապրել ոչ միայն հոգևոր կյանքով, այլև մեր հոգիներում սերմանում են հայրենասիրության սերմեր: Այդ տեսակետից հոգևոր ճեմարանը նաև ազգային-հայրենասիրական դաստիարակության լավագույն օջախ է:

Մենք երջանիկ սերունդ ենք: Ապրում ենք մեր հայրենիքում խաղաղ, ապահով պայմաններում; միշտ Վեհափառ Հայրապետի ողորդության, տեսչության և դասախոսների հո-

գատարության ներքո: Մեզ մնում է միայն սովորել, սովորել ու սովորել: Ավետարանն ասում է. «Ում շատ է տրված, նրանից էլ շատ կպահանջվի»: Հետևաբար մեզ մնում է միայն քրտնաջան աշխատել, որպեսզի ի դերն չհանենք այն սպասումներն ու հույսերը, որ մեր մեծերն ունեն մեր նկատմամբ:

Մեր կողմից լինում են երբեմն սայթաքումներ: Ահա այստեղ, իրենց հորդորներով ու խորհուրդներով, մեզ օգնում են տեսչությունը, դասախոսներն ու միաբանները:

Այս առթիվ մեր շնորհակալությունն ենք ուղևոր հայտնել Մայր տաճարի լուսարարապետ Ս. Հուսիկ արքեպ. Սանթրոկյանին և ավագ լուսարար Ս. Մամբեթ վրդ. Մարգարյանին, որոնց մշտական ցուցումների, խորհուրդների շնորհիվ հետպետե հմտանում ենք եկեղեցական արարողությունների կատարման մեջ:

Այժմ, Վեհափառ Տեր, թույլ տվեք իմ և ուսանող եղբայրներիս կողմից համբուրել Ձեր պատվական սուրբ Աջը և ստանալ Ձեր հայրական օրհնությունները:

Նորից ելույթ են ունենում հոգևոր ճեմարանի ուսանողները: Նրանք խմբովին և մեծ ոգևորությամբ կատարում են Էդգար Հովհաննիսյանի «Սարդարապատ» ստեղծագործությունը: Այնուհետև Գ դասարանի սան Գևորգ Մկրտչյանը արտասանում է Հովհաննես Թումանյանի «Հայոց լեռներում» բանաստեղծությունը:

Հոգևոր ճեմարանի դաշնամուրի ուսուցիչ Թադևոս Ամարյանի և Բ լսարանի ուսանող Սարգիս Կուտուպյանի համատեղ կատարմամբ լսվում է Ալեքսանդր Հարությունյանի և Առնո Բաբաջանյանի «Ռապսոդիա» դաշնամուրային ստեղծագործությունը:

Հոգևոր ճեմարանի ուսումնադաստիարակչական աշխատանքների մասին տարեկան հաշվետու վեկուցումով հանդես է գալիս ճեմարանի փոխտեսուչ Ս. Հայկապուն վրդ. Նաջարյանը.

«Աստուծո ողորմությամբ և Վեհափառ Հայրապետի օրհնությամբ հավաքվել ենք այսօր կրթական այս սուրբ օջախում՝ ի մի բերելու 1982—83 ուսումնական տարեշրջանի ընթացքում մեր կատարած աշխատանքների արդյունքները:

Այս ուսումնական տարեշրջանում ճեմարանը հետևյալ պատկերն է ունեցել.

Տեսչական կազմ.

Տեսուչ՝ Ս. Եզնիկ քին. Պետրոսյան.

Փոխտեսուչ՝ Ս. Հայկապուն վրդ. Նաջարյան

Քարտուղար՝ բարեշնորհ Գարուշ սրկ. Լավարյան.

Վերակացուներ՝ բարեշնորհ Կառլեն սրկ. Պետրոսյան:

պարոն Վաչագան Հովհաննիսյան.
պարոն Լևոն Պետրոսյան:

Հունվարի վերջին տեսուչ Տ. Եվնիկ քին. Պետրոսյանը մեկնեց Աթենք՝ պատրաստելու իր դոկտորական աշխատանքը: Վերակացուի պաշտոնին կոչվեց պարոն Լևոն Պետրոսյանը և տեսչությունը այս կապով շարունակեց իր աշխատանքը մինչև ուսումնական տարվա ավարտը: Գոհունակությամբ պետք է նշել, որ տեսչությունը առանձին դժվարություններ չունեցավ ուսանողության հետ կարգապահության հարցում: Ընդհանուր առմամբ կարգապահությունը գտնվում էր պատճառ բարձրության վրա:

Ուսուցչական կապ.—Այս տարեշրջանը ինչպես Մայր Աթոռի, այնպես էլ հոգևոր ձեմարանի համար որոշ առումով դժվար տարի եղավ: Վեհափառ Հայրապետի գլխավորությամբ և շրջապատված մեր ուսուցիչներով՝ մեծ ոգևորությամբ սկսեցինք այս տարեշրջանը, սակայն կարճ ժամանակ անց կորցրինք մեր բազմավաստակ ուսուցիչներից պարոն Արթուր Հատիսյանին:

Ուսուցչական կապը հիմնականում մնացել է նույնը: Գրաբարի ուսուցիչ պրն. Երվանդ Մելքոնյանին փոխարինեց պրն. Պետրոս Բեդիրյանը: Հայր Զատիկ Ավետիքյանի փոխարեն բարեշնորհ Վարդգես սրկ. Մկրտչյանը՝ դասավանդեց «Վարք Սրբոց» առարկան, իսկ բարեշնորհ Գարուշ սրկ. Լապարյանը՝ «Քրիստոնեական վարդապետություն» և «Հայոց լեզու» առարկաները:

Ուսումնական.

Ընդգծելու համար մեր ունեցած դժվարությունները, նշենք, որ պրն. Արթուր Հատիսյանը իր վրա էր վերցրել կարևոր առարկաներ՝ Հայ Եկեղեցու պատմություն, Հայ Եկեղեցու մատենագրության պատմություն, աստվածաբանություն, Հայ Եկեղեցու իրավունք և հովվական աստվածաբանություն: Առաջին երկու առարկաների դասավանդումը հնարավոր եղավ ներքին ուժերով շարունակել, սակայն աստվածաբանությունը, որն այնքան կարևոր առարկա է, ընդհատվեց: Հույս ունենք, որ առաջիկա տարեշրջանի համար կկարողանանք վերոհիշյալ առարկաների գծով մասնագետ դասախոսներով ապահովել ձեմարանը:

Ուսուցչական կապը կարողացավ պատվով կատարել իր վրա դրված պարտականությունը: Դրա լավագույն վկայությունն են ուսանողների ձեռք բերած բարձր գնահատականները: Տեսչությունը աշխատեց հետևել յուրաքանչյուր ուսանողի ուսման ընթացքին: Ամավերջի քննություններին, որոնք ամբողջ

տարվա ընթացքում կատարված աշխատանքի ամփոփումն են ներկայացնում, ներկա գտնվեց փոխտեսուչը՝ անձամբ ստուգելու կատարված աշխատանքները:

Ուսանողություն.

Ուսումնական տարեշրջանի սկզբում ունեինք 42 ուսանողներ, իսկ այժմ ունենք 30. ոմանք մեկնեցին փնվորական ծառայության, ոմանք իրենց ցանկությամբ հեռացան, իսկ ուրիշներ հեռացվեցին կանապան պատճառներով:

Ուսանողների բաշխումը ըստ դասարանների հետևյալ պատկերն ունի.

Բ լսարան՝ 8 ուսանող

Ա լսարան՝ 8 ուսանող

Գ դասարան՝ 6 ուսանող

Բ դասարան՝ 8 ուսանող:

Այս տարի ևս դասարանական բաժինը ասպիտայան և երեկոյան ժամերգությունները կանոնավոր կերպով շարունակեց Ա. Հովհաննես Մատթան մեջ: Այս առթիվ ցանկանում ենք մեր շնորհակալական խոսքն ուղղել գերաշնորհ Տ. Հուսիկ արքեպ. Սանթրոյանին՝ Մայր Աթոռի լուսարարապետին, իր ցուցաբերած հոգատարության համար:

ձեմարանի ուսանողները ուսումնական տարվա ընթացքում տարբեր առիթներով ներկա եղան թատերական ներկայացումների, համերգների և այլ գեղարվեստական միջոցառումների: Կապակերպվեցին դասախոսություններ ձեմարանի հարկի տակ բնագրական-աշխարհագրական թեմաների, պատմական Հայաստանի եկեղեցիների և հայ մատենագիրների մասին:

Ընթացիկ տարվա կարևոր երևույթներից պետք է համարել ձեմարանի մասնակցությունը Վարդանանց տոնախմբությանը, Ասորական Եկեղեցու Պատրիարքի այցելությունը հոգևոր ձեմարան, Ալեք և Մարի Մանուկյանների այցը, ինչպես նաև Եկեղեցիների Համաշխարհային Խորհրդի գլխավոր քարտուղար դոկ. Ֆիլիպ Փոթերի այցն ու հանդիպումը ձեմարանի ուսանողության հետ: Չի կարելի չնշել նաև ձեմարանավարտ սարկավագների ավարտաճառերի պաշտպանությունը երկու փուլով ձեմարանի հարկի տակ:

Պետք է հիշել նույնպես ուսանողության աշնանային, ձմեռային, գարնանային և ամավերջի կապակերպված շրջապտույտները, որոնց նպատակն է եղել մեր ուսանողներին մոտիկից ծանոթացնել մեր ժողովրդի փառավոր անցյալին, մեր ներկա նվաճումներին, սեր ու գուրգուրանք առաջացնել նրանց մեջ դեպի մեր ներկա հայրենիքը և վերջապես մեր այսօրվա հայրենի իրականության միջոցով հավատք ներշնչել նրանց դեպի մեր ա-

պագան, դեպի հայ ժողովրդի հավիտենականությունը:

Վեհափառ Տեր, «Ձքոյս ի քոյոց քեզ մատուցանեմք»:

Հաջվետու պեկուցումից հետո ձեմարանի տեսուչ Ս. Եվսիկ քին. Պետրոսյանը ընթերցում է այն ուսանողների անունները, որոնք 1982—1983 ուսումնական տարում ձեմարանի տեսչության կողմից գերապանց ուսման, լավ վարքի և եկեղեցասիրության համար արժանացել են մրցանակների: Նրանք Վեհափառ Հայրապետի ձեռքից աջհամբույրով ստանում են սահմանված նվեր-մրցանակները:

Այնուհետև Ս. Եվսիկ քին. Պետրոսյանը հրավիրում է Վեհափառ Հայրապետին՝ տալու իր օրհնությունը հոգևոր ձեմարանի դասախոսական կազմին և ուսանողությանը:

Իր խոսքի մեջ Վեհափառ Հայրապետը իր գոհունակությունը հայտնելով այն մասին, որ հոգևոր ձեմարանի ուսանողությունը ձեմարանի տեսչության և վերակացուների ղեկավարության ու հոգատարության ներքո այս ուսումնական տարում կանոնավոր կերպով մասնակցել է Մայր տաճարում եկեղեցական արարողություններին, շեշտում է կարևորությունը, տեսական ուսման պուզոնթաց, եկեղեցական արարողությունների գործնական իմացության՝ նշելով, որ դա հոգևորականի առաջին պարտականությունն է և նրա գործունեության հիմքն է կազմում: Այս կապակցությամբ նա ուրախությամբ ավելացնում է, որ հոգևոր ձեմարանն ավարտած նախկին ուսանողներից շատերը, որոնք որպես հոգեվորականներ ներկայումս պաշտոնավարում են Հայաստանում, իսկ նրանցից մի քանիսն էլ՝ արտասահմանյան հայ գաղթօջախներում, ամենուրեք գնահատանքի են արժանացել. ժողովուրդը գոհ է նրանց եկեղեցագիտական պատրաստությունից, ժամերգությունների կատարումից և առհասարակ նրանց վարք ու

բարքից:

Վեհափառ Հայրապետը նշում է նաև, որ նոր է վերադարձել արտասահման կատարած իր ուղևորությունից և այդ առթիվ մի անգամ ևս հաստատել է, թե ինչքան մեծ կարիք կա հոգևոր սպասավորների գրեթե ամեն տեղ: Այս պարագան հատուկ ուշադրությանը հանձնելով հոգևոր ձեմարանի տեսչության ու դասախոսական կազմի և իր խոսքն ուղղելով ձեմարանի ուսանողությանը՝ նա ասում է. «Այս հանգամանքը պետք է պարտավորեցնի ձեզ, սիրելի ուսանողներ, որպեսզի դուք լրջությամբ մոտենաք ձեր կոչումին, ձեր ապագային և այդ գիտակցությամբ աշխատեք ձեմարանի հարկի տակ՝ ապագայում դառնալու համար պիտանի հոգևորականներ՝ պինված գիտությամբ, բարոյական նկարագրով, հայկական պաշտոններով, եկեղեցագիտական տվյալներով և հայրենասիրական ոգով: Այս բոլորը մեկ ամբողջություն են կազմում մեզ համար և ներկայացնում են այսօրվա հայ երիտասարդ հոգևորականի ամբողջական, ներդաշնակ կերպարը: Չանացեք հասնել այդ բարձունքին, անդուլ աշխատել, ուշադիր լինել ձեր անձերի նկատմամբ, որպեսզի ապագայում իրոք արժանավոր հոգեվոր պինվորները դառնաք և՛ մեր Եկեղեցու, և՛ մեր ժողովուրդի»:

Իր խոսքի վերջում Նորին Սրբությունը իր օրհնությունն է տալիս ձեմարանի տեսչությանը, դասախոսական կազմին և ուսանողությանը, մաղթելով նրանց բարի հանգիստ արձակուրդի ընթացքում՝ սեպտեմբերին նոր ուժերով և նոր ներշնչանքով լծվելու համար իրենց աշխատանքին Մայր Աթոռ Ս. Էջմիածնի հոգևոր ձեմարանի հարկի տակ:

Ամավերջի հանդիսությունը ավարտվում է Վեհափառ Հայրապետի «Պահպանիչ»-ով և խմբովին երգված «Հայր մեր»-ով:

ՎԱՐԴԳԵՍ ՍՐԿ. ՄԿՐՏՁՅԱՆ

